



KEMENTERIAN KESIHATAN MALAYSIA

KENYATAAN MEDIA KEMENTERIAN KESIHATAN MALAYSIA

SITUASI SEMASA DEMAM DENGGI DI MALAYSIA MINGGU EPIDEMIOLOGI 37 (08 SEPTEMBER 2024 – 14 SEPTEMBER 2024)

Pada Minggu Epidemiologi ke-37 tahun 2024, jumlah kes demam denggi yang dilaporkan adalah sebanyak 1,794 kes berbanding 1,870 kes pada minggu sebelumnya. Tiada kematian akibat komplikasi demam denggi dilaporkan pada Minggu Epidemiologi ke-37 tahun 2024.


Kumulatif kes demam denggi yang dilaporkan sehingga Minggu Epidemiologi ke-37 adalah sebanyak 100,236 kes berbanding 84,865 kes bagi tempoh sama tahun 2023. Manakala terdapat 89 kematian akibat komplikasi demam denggi telah dilaporkan berbanding 59 kematian bagi tempoh yang sama pada tahun 2023.

Bilangan lokaliti hotspot yang dilaporkan pada Minggu Epidemiologi ke-37 adalah sebanyak 43 lokaliti berbanding 53 lokaliti hotspot pada minggu sebelumnya. Dari 43 lokaliti yang dilaporkan, 32 lokaliti di Selangor, tiga (3) lokaliti di WPKL & Putrajaya, tiga (3) lokaliti di Perak, dua (2) lokaliti di Negeri Sembilan, dua (2) lokaliti di Pulau Pinang dan satu (1) lokaliti di Kelantan.


Bagi surveilans chikungunya, tiada kes direkodkan pada Minggu Epidemiologi ke-37. Jumlah kumulatif kes chikungunya sehingga kini adalah 72 kes. Tiada wabak Chikungunya dilaporkan. Bagi surveilans zika, sebanyak 1,934 sampel darah, lapan (8) sampel urin dan tiga (3) sampel cecair serebrospinal telah dijalankan saringan zika dan semua keputusan adalah negatif.

Demam denggi boleh menjangkiti manusia tanpa mengira jantina dan usia. Masyarakat dinasihatkan agar segera mendapatkan rawatan di fasiliti-fasiliti kesihatan berhampiran sekiranya mengalami gejala-gejala demam denggi seperti demam dengan suhu tinggi secara mengejut, sakit otot, sakit sendi, sakit pada belakang mata dan sakit kepala. Bagi memastikan pengesanan awal dapat dibuat, semua kes disyaki denggi akan dijalankan ujian pengesanan demam denggi menggunakan kit ujian pantas combo yang mana keputusannya boleh diperolehi dalam masa 20 hingga 30 minit. Pengesanan dan rawatan awal dapat mengelakkan berlakunya kematian akibat komplikasi demam denggi. Tidak peduli, maut menanti. **Tiada Aedes, tiada denggi, chikungunya dan zika.**


DATUK DR. MUHAMMAD RADZI BIN ABU HASSAN
KETUA PENGARAH KESIHATAN
23 SEPTEMBER 2024




Gambarajah 1: Perbandingan kes dan kematian demam denggi Minggu Epidemiologi ke-37 & ke-36 tahun 2024



Gambarajah 2: Perbandingan kes dan kematian demam denggi sehingga Minggu Epidemiologi ke-37 tahun 2024 dan tempoh sama tahun 2023



Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-37), 2023 dan median 2019-2023



Gambarajah 4: Jumlah lokaliti hotspot denggi Minggu Epidemiologi ke-37 tahun 2024